



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

5. Exercitium vesptertinum.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

bonus es, bona sunt enim; qui es, sunt enim: Sed nec ita pulchra sunt, nec bona sunt, nec ita sunt, sicut tu conditor eorum, cui comparata, nec pulchra sunt, nec bona sunt, nec sunt.

O quàm excelsus es, Domine, & humiles corde sunt domus tua. *Lib. 12. c. 32.*

Tu enim erigis elisos, & non cadunt, quorum fortitudo tu es.

Tu Deus diligenti te quantum precipis, ostendis ei te, & sufficit ei, & ideo non declinat a te, nec a se. *Lib. 12. c. 15.*

Non eguisti me, Domine, nec ego bonum tale sum, quo tu adiuueris; Non sic te colo, quasi terram, ut sis incultus, si te non colam: sed seruo tibi, & colo te, ut de te mihi benè sit, à quo mihi est, ut sim cui benè sit. *Lib. 13. c. 1.*

Scio Domine, quia malè mihi est præter te, non solum extra me, sed & in me ipso; & omnis mihi copia, quæ Deus meus non est, egestas est mihi.

PARS QUINTA.

Exercitium vestertinum.

AD vitam hominis rectè formandam vehementer iuuat, ut certum sit, quoad fieri potest, tempus vespere incumbendi, & mane surgendi; inter quæ duo tem-

M 7

pora

pora non multò amplius quàm sex, septemve horæ intercedant, iuxta illud; Septē horis dormisse sat est, iuuenique, senique. Antequàm autem incumbatur, repetenda est per examen conscientie, ab anima ratio transacti diei, vt ex D. Basilio supra ostendimus.

parte 1.

*Puncta 5
examinis
conscientie.*

Puncta autem examinis conscientie sunt quinque.

1. Agenda Deo gratie pro omnibus beneficiis, potissimum verò eodem die acceptis.

2. Petenda Deo gratia pro vera cognitione, & detestatione peccatorum transacto iam die commissorum.

3. Exigenda à conscientia ratio de admissis præsentis die peccatis; totius diei horas singulas à manè in vespèrum percurrendo.

4. Humiliter petenda à Deo venia admissorum peccatorum.

Seriò proponenda in posterum, cum Dei gratia, vitæ emendatio; & maximè in iis peccatis, in quæ sæpius, aut grauius eodem die lapsus fuerit.

5. Tunc recitari possunt orationes, quæ Sodalitatis legibus præscribuntur, scilicet oratio Dominica, & Saluatio Angelica, & Psalmus De profundis, pro defunctis.

Quòd

Quòd si quis adiicere alias preces velit, sequentes maximè opportunæ videntur.

Te lucis ante terminum, rerum creator poscimus, vt solita clementia sis præsul ad custodiam.

Procul recedant somnia, & noctium phantasmata, Hostemque nostrum comprime, ne polluantur corpora.

Præsta Pater omnipotens, per IESUM Christum Dominum, Qui tecum in perpetuum regnat cum sancto Spiritu. Amen.

Salua nos Domine vigilantes, custodi nos dormiētes, vt vigilemus cum Christo, & requiescamus in pace.

Oremus.

Visita, quæsumus Domine, habitationem istam, & omnes insidias inimici ab ea longè repelle; Angeli tui sancti habitent in ea, qui nos in pace custodiant, & benedictio tua sit super nos semper. Per Christum Dominum, &c.

Angele Dei, qui mei es custos, me tibi commissum pietate superna, hac nocte illumina, custodi, rege, & gubernas. Amen.

O Domine IESU dulcissime, IESU rex amantissime, tu mecum quæso mancas, hac nocte mecum dormias, vt corpus
som-

somnum capiat, & nunquam cor obdormiat: præsentem absens videat, & malum omne caueat: Me Angelus custodiat, & signo crucis muniat. Hinc Satan procul fugiat, & Iesus solus maneat. Quos amo, tecum colligas, in lecto cordis foueas, nec me, nec ipsos deferas, sed benedicens protegas, & in ævum custodias. Amen.

O Domina mea sancta Maria, &c. Maria mater gratiæ, &c.

Tunc aspergat se Sodalis, ac lectum suum aqua lustrali: dicens: Huius aquæ tactus propulset dæmonis actus.

Deinde facto signo crucis lectum ingrediatur, dicens:

In nomine Domini nostri IESU Christi crucifixi cubitum eo; ille me benedicat, regat, custodiat, & in vitam perducatur æternam. Amen.

Custodi me Domine, ut pupillam oculi, sub ymbra alarum tuarum protege me.

In manus tuas Domine, &c. In pace in idipsum dormiā, & requiescam. In hæc verba indormiat, & requiescat in nomine Domini.

Danda autem est opera, ut finitis orationibus, & conscientiæ examine, seruetur animus benè collectus cum Deo: ideoque vitæ sūt fabulæ, cogitationes externæ tracta-

tractationes negotiorum, & quicquid conjunctionem cum Deo impedire solet.

PARS SEXTA.

Orationes varia, pro variis personis & rebus.

QUIA in Sanctorum suffragiis, quæ singulis mensibus cuique Sodali distribuuntur, præter Confratrem aliquem, res alia aliqua, vel aliquis alius ex Ecclesiæ præsulibus, ex Regibus, vel Principibus proponitur, pro quo Deo supplicetur; existimauimus gratum fore Sodalibus, si variæ Manuali nostro ad hunc finem orationes infererentur.

Semper autem præmitti poterit hymnus. Veni creator Spiritus, vel Sequentia, Veni sancte Spiritus, & emitte cælitus, &c.

Tunc Antiph. Veni sancte Spiritus, reple tuorum, &c.

V. Emitte spiritum, &c.

R. Et renouabis faciem terræ.

Oremus.

OMnipotens sempiternæ Deus, qui gloriam tuam omnibus in Christo gentibus reuelasti; custodi opera misericordiae tuæ, ut Ecclesia tua toto orbe diffusa.

Pro Ecclesia Catholica.